

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Sanctos Mensivm || Martii Et Aprilis

Surius, Laurentius

Coloniae Agrippinae, 1576-

VD16 S 10259

De S. Euphrasia virgine, eiusque matre vidua etiam Euphrasia dicta.

[urn:nbn:de:hbz:466:1-77384](https://nbn-resolving.de/urn:nbn:de:hbz:466:1-77384)

VITA S. EVPHRASIAE NOBILISSIMAE
VIRGINIS, EX VITIS PATRVM ET INSIGNI
MS.codice, mutato stylo per F.Laur. Surium descripta.

13. Martij.



Coniugem
ducit Eu-
phrasiam
Antigonus.

Euphrasia
nascitur.

Antigonus
hortatur
vxorem ad
continen-
tiam.

1. Cor. 7.

1. Iohan. 2.

Antigoni be-
nignitas, in
pauperes,
& obitus:

Coniuges
vivunt con-
tinenter.

Mperij habenas moderante Theodosio p̄ijssimo principe, in vrbe regia Constantinopoli Senatorij ordinis vir fuit, Antigonus nomine, ipsi Imperatori & genere & consuetudine coniunctus. Erat is non sermone duntaxat, sed etiam factis sapiens, ad bona semper adhortans principem, ut ad pietatis pr̄scriptum Reip. negotia curaret. Inerat verò etiam illi erga miseros pia commiseratio, qua siebat, ut benignè cunctis egenitibus res necessarias suppeditaret. Princeps Theodosius, non modò vt parentem & senatorem, sed etiam vt Christianum & pium, semperque optima consulente, illum valde charum habebat. Tantæ autem illi suppeterabant opes, vt Constantinopolis neminem illi diuitijs & recte factis parem haberet. Accepit verò coniugem generis sui, id est, quæ Imperatorem quoque sanguine contingere, Euphrasiam nomine, matronam cum primis religiosam, Deumque valde timentem, in templis assiduum, & Deo pias preces cum lachrymis offerentem. Multos illa inopes fecit locupletes, multaque sacris ædibus & locis munera deferebat. Amabant illam impensè Augustus & eius coniunx, tum quod suæ esset familiæ, tum quod moribus optimis, in primisque honesta & religiosa videretur. Porro temporis successu nata est eis filia, quam Euphrasiam dici voluerunt. Ea prole aucti cùm essent, dixit vxori Antigonus: Nōsti soror mea Euphrasia, quām prorsus nihil sit hæc vita præsens, quām nihil quantuvis ample facultates, quām nihil vanitas omnis mundi huius præterlabentis. Acta hominis octoginta annis peragitur cum multis calamitatibus. Opes autem in celo si recendantur, in infinita secula permanent Deum timētibus. Et ecce nos mundanis implicati curis & cogitationibus, illis nos æternis diuitijs priuamus, opumque fluxarum circumscripti fallacia, tempus omne vitæ nostræ inaniter transmitimus, nulla nostris animabus lucra acquirent.

Hæc cùm dixisset Antigonus, Euphrasia respondit: Quid vis igitur, mi domine, vt faciamus? Cui Antigonus: Vnam iam, inquit, Dei beneficio filiam habemus. Ea nobis sufficiat, nec deinceps nos huius seculi miseriae & calamitati misceamus. Tum verò Euphrasia surgens, manibus sursūm erexit, ductisque ab imo peccatore suspirijs, dixit Antigono: Benedictus Deus, qui te suo timore dignatus est, veritatisq; notionem tibi præstis. Equidem domine mi crebro rogau Deum, vt suæ gratiæ lumen tibi adipiraret: sed id tibi indicare ausa non fui. Quando verò tuipse prior hac de reverba fecisti, liccat mihi tua pace dicere, quæ volo. Cui Antigonus: Dic, ait, foror mea, quicquid visum erit. Et Euphrasia: Nōsti, inquit, mi domine, iam olim dixisse Apostolum: Tempus breve est: reliquum est, vt & qui habent uxores, tanquam non habentes sint: præterit enim figura huius mundi: & mundus transit, & concupiscentia eius. Quem enim visum habebit hæc pecunia & tam ample facultates? Non poterimus sanè quicquam ex eis absportare nobiscum in tartara. Quod igitur consultissimè constituisti, festina liberaliter ex his imparati pauperibus, nè sine fructu id animo pertractasse videaris.

His auditis, Antigonus Deo grates laudesque agens, multa in egenos beneficia contulit, & admodum piè vitam suam instituit, postquam ab uxoris abstinuit commercio, uno duntaxat anno superuxit, rebusque suis bene dispositis, in pace sepultus est. Fleuerūt verò de morte illius Imperator & Augusta, quippe suę stirpis viri iusti & religiosi, vicemq; Euphrasię dolebant, quæ & ipsa eis esset cognata, & ætate iuuenili. Annis quippe duobus & mēsiibus tribus vixerat cum marito suo. Porro annum unum continenter exegerat pariter, matrimonij consuetudinē vtrō sibi ipsis interdicentes. Postquam autem sepulturæ traditus fuit Antigonus, Imperator & eius cōiunx multum incumbent in Euphrasię cōsolationem. Porro illa ad eorū se pedes abijciens, atq; cum lachrymis & multo gemitu filiā suā illis offerēs: In manus, inquit, Dei & vestras hanc orphantam commendo. Sitis, quæso, memorē Antigoni vestri, & hanc suscipite tuendam, vt non alios quām parentes suos vos sibi sentiat extitisse. Ad has eius voces multi ex ijs, qui aderant, vberim lachrymas fuderunt, nec ipsi principes à lachrymis abstinuerunt.

Non multò pōst, cùm iam nō nihil de luctu remisisset Euphrasia, suasit ei Imperator,

vt

ut filiam suam Euphrasiam cuidam Senatori ditissimo traderet vxorem. Fit contractus Euphrasia inter illos, & arrhas accipit Euphrasia. Interim differebat nuptiae, donèc puella adolesceret, cuius ætas id temporis vix quinquennij spatia expleuerat. Atquì Senator aliquando post ad ipsius Euphrasiam senioris matrimonium cœpit animum adjicere, persilatisque per matronas quasdam Imperatrici, vt neficiē Imperator ea de re animum Euphrasiam sollicitaret. Euphrasia ubi id cognovit, acerbissime fleuit, matronisque ad ipsam missis ita dixit: Væ vobis in illo futuro seculo, quæ mihi talia persuadere instituitis, mulieri nō nisi secundum Dei præceptū piè viuere cupiēti. Discedite à me, quæ rem à meo instituto abhorrentem attentatis. Illæ verò cum ignominia reiecta, rem gestam Augustæ indicarunt. Ut autem Imperator didicit quid actum esset, grauiter inuestitus est in Augustam, atque illi indignabundus: Reuerā talem rem designāti, quæ te minimè deceret. Isthuc ne Christianæ Augustæ officium est? Itā pollicita es Deo te piè regnaturam? Hasce vices reddis Antigono, cuius in nos fidem & studium semper experimentum? Fecisti profecto rem nostrum Imperio minimè congruentem, dum foeminam iuenculam, quæ cum marito suo vix anno uno vixit pro matrimonij consuetudine, ac deinde ex mutuo consensu propter cælestis regnum perpetuam sibi indixit continentiam, rursus ad ea, quæ sunt mūdi huius, redire compellis, nec timuisti Deum, ut tantum in te facinus admitteres. Non dubium, quin omnes me authore id factum esse sint existimaturi. Absurdè & præter decorum fecisti, quod nec audiri à me oportuit propter Antigonum, amicum nostrum integerimum. His auditis, Augusta multo affecta pudore & verecundia, instar lapidis per duas horas obmutuit, ortaq; est in Imperatorem & ipsam perturbatio ingens propter Euphrasiam. Id postquam resciuit Euphrasia, parvum absuit quin præmōrōre è vita decederet, cogitabatque alio proficisci: Flensque acriter, dixit Euphrasia filia sua: Filia mea, sunt nobis ampla facultates in Aegypto: camus illuc, & paternas inuisamus possessiones: Mea omnia, tua sint.

Ita ergo ab urbe regia discessit cum filia, nesciente Principe, venitque in Aegyptum, & illuc morabatur, subinde inuisens prædia sua. Profecta autem est in interiore Thebaïdem cum procuratoribus & ministris suis, quibus cura & administratio rerum ipsi us credita erat, illucque sacris locis inherens, in virtusque sexus monasteria multam vim pecuniae clargita est, multasque fecit oblationes.

Erat autem in quadam urbe monasterium foeminarum, in quo plus minus centum & triginta degebant. In eo coenobio nemo vel vinum, vel oleum, vel vuas, aut ficos aut poma in cibum sumebat. Erant inter eas, quæ ab ipsa infantia se ne nouisse quidē posse assenserent, ex quo interdum leguminibus, aliâs oleribus vescebatur, sed nullo oleo conditis. Quædam earum vesperi sumebant cibum, quædam post biduum, nonnullæ post triduum. Nulla earum pedes lauabat aqua: balneas verò, quod eis corporum nudatio abominabilis videretur, nec audire sustinebant. Cubabant omnes humi in cilicio, quod in latum vnius, in longum trium esset cubitorum: nec erat requies diuturna. Vestes quoquè habebant cilicinas, quæ in pedes vsque se porrigerent. Laboris autem tantum quæque siue operis suscipiebat, quantum vires paterentur. Si qua in morbum incidisset, nulla ei medicorum fomenta abhibebantur, sed pro maximo Dei beneficio accipiebat eam morbi molestiam, ferens aequanimiter, donèc à Domino curaretur. Nulla ex eis è monasterio egrediebatur. Ad monasterij foræ ianitrix erat, quæ si quid nunciatum esset, intrò perferebat, responsaque referebat. Multæ illuc curationes diuinitatis fiebant.

Harum itaque venerabilem viuendi consuetudinem non mediocriter amans Euphrasia, crebrò illas visitabat, offerens thymiana & cereos. Quodam autem die ait ad Abbatissam & primas eius coenobij: Exiguum volo munus conferre huic monasterio, nempe auri libras viginti vel tringinta, vt oreis pro hac orba filiola mea, & sitis memoris Antigoni patris eius. Respondit Abbatissa: Domina Euphrasia, ancillæ tuæ non habent opus redditibus, neque pecunias concupiscunt. Idcirco enim se cunctis mundi humanis oblati, ut possint frui bonis sempiternis. Et hæc nobis ratio est, cur tas pecunias.

Y

nostrum?

nostrum? Respondit illa: Immò certè, ego amo vos ô Domina. Rursùs Abbatissa cum ioco: Sinos, inquit, amas, mane nobiscum, & vtore nostro habitu. Respondit puella: Reuerà si scirem non ægrè laturam matrem meam, non exirem è monasterio. Et Abbatissa: Plús ne nos, ait, diligis, aut verò sponsum tuum? Sed neque ego illum noui, ait Euphrasia, neque ille me: Vos autem & noui, & amo. Sed dicite, quæso, mihi: Vos quem diligitis: ménne, an illum portiùs? Abbatissa respondit: Nos te diligimus & Christum nostrum. Tum puella: Ego verò, inquit, & vos diligo, & Christum vestrum. Se-debat interim mater eius, & cum audiret hos necdūm septennis puellæ sermones, ex eius oculis lachrymarum imbræ manabant: aitque ad illam: Veni filia, eam hinc nam vesper incubit. At illa respondit: Ego híc manebo cum Domina Abbatissa. Ait verò illi Abbatissa: Abi hinc Domina Euphrasia. híc enim nemo manere potest, nisi se Christo deuoueat. Ad quam puella: Et vbi, inquit, est Christus? Tum Abbatissa Dominicam ei imaginem ostendit: quam cùm illa esset exosculata, Reuerà, inquit, ego me Christo voueo, nec vteriùs cum Domina matre recedam. Iam vespere sciebat, & neque mater eius, neque Abbatissa ei persuadere poterant, vt se domum conferret. Dicebat quidem Abbatissa: Non potes híc manere, nec est híc locus vbi maneas: at illa respondit: Vbi vos manetis, illic & ego manebo. Aliquam multis igitur diebus & Abbatissa & mater eius in id summoperè incumbebant, vt eam è monasterio educerent: sed cùm frustrè se niti anima duerteret, ait ad illam Abbatissa: Si vis igitur permanere apud nos, oportebit te literas dicens: platerium mandare memoria, in vesperam vñque ieunare quotidè, quemadmodum reliqua omnes faciunt. Respondit puella: Ego & ieunijs me afficiam, & dabo operam literis: tantùm oro, vt liceat mihi degere vobiscum. Tum verò Abbatissa ait ad matrem eius: Domina mea, patiaris hanc puellam apud nos morari. Video enim cælestis gratiæ lumine eius mentem perfusam. Surgens itaque mater Euphrasia, appræhenſamque filiam ducens ad imaginem Saluatoris, sublatis in cælum manibus cum lachrymis, ita precata est: Domine Iesu Christe, suscipe curam infantulæ huius. te enim concupiuit, sequi tibi commendauit. Conuerſa autem ad filiam, dixit: Deus, qui fundauit montes immobiles, te in suo timore confirmet. His dictis, trædit illam Abbatissæ, flensi, & tundens pectus suū, omnes ad lachrymas commouit.

Altera die Abbatissa eam adduxit in oratorium, & cùm fudisset preces ad Dominū, monastico illam habitu induit, dicens: Rex seculorum & Domine dominorum, qui in ea coepisti opus bonum, tu illud perfice vñque in finem. Prefta illi, vt viuat conuenienter mandatis tuis, & inueniat semper fidutiā in conspectu tuo. Dixit autē illi Euphrasia mater eius. Vis' ne filia hoc habitu vestiri? Et illa hilariter respondit: Etiam Domina mater. Vt enim ex Abbatissa & sororibus audiui, hunc habitu arrhabonis loco præbet Christus diligentibus se. Ait verò mater: Christus igitur, cui despōsata es, ipse te seruet & dignam faciat thalamo suo. Et hæc cùm dixisset, valde dixit Abbatissa & sororibus, filiamque de-osculans, egressa est, & per monasteria proficisciens, præstabat eleemosynas pauperibus. Iam vbiq̄ue eius optima conuersatio apud omnes diuulgabatur, & quām liberaliter res suas conferret monasterijs & sacris locis. Peruenit hic rumor etiam ad aures Imperatoris & Senatus, qui omnes eam admirabantur & glorificabant Deum. Audiebant enim illam prorsus abstinere à vino, sed neque piscibus vesci: omnibus autem ciborum delicijs repudiatis, à vespera in vesperam protrahere ieunium, & modò olera, modò legumina edere. Paucis indè elapsis diebus, Abbatissa illam ad se euocauit, dixitque eiscretō: Domina mea Euphrasia, habeo quod indicem tibi, sed quæso nè perturberis. Cui Euphrasia respondit: Loquere Domina mea. Tum Abbatissa: Vidi, inquit, in somnis Antigonus maritum tuum in magna gloria, rogantem Christum, vt ab hac mortali vita træferaris ad illam sempiternam, liceatq; tibi deinceps esse cum illo, & frui ea gloria, qua ipse fruitur ob merita vita optimè transactæ. Hęc vbi didicit Euphrasia, multūm exhilarata est, quippe quæ optaret ē rebus humanis excedere, & esse cum Christo. Mox igitur accersit ad se filia sua dixit: Ego iam vocor à Christo, sicut mihi indicauit domina Abbatissa, & propè adeſt finis vitæ meæ. Itaque tibi, filia mea, omnes patris tui & meas facultates trado in manus, quas tu ea pietate dispenses, vt possis esse consors hæreditatis sempiternæ.

Hæc vt Euphrasia audiuit, ingemuit & fleuit, dicens: Hei mihi, quia peregrina sum & orphana. Dicit ei mater eius: Cūm habeas Christum, nec peregrina es, nec orphana. Matris autē officia omnia erga te & studia exequetur domina Abbatissa. Tu iam festina implere, quod pollicita es. Deū time, & dominas sorores venerare, scruiēs eis cū omni humi-

Mandata
Euphrasie
morituræ
ad filiam.

Abstinentia
Euphrasie
senioris.

humilitate. Cauē, nē vñquām cogites in animo tuo: Regio sum prognata sanguine, nec me istis seruire par est. Sis interīm pauper in terris, vt quandoquē diues efficiaris in celis. Absque intermissione roga Deum pro me & pro patre tuo, vt inueniamus misericordiam apud illum, & ab gehennæ supplicijs seruemur. Hęc cūm p̄cecepisset filię suę, tertio post die defuncta est, & in codem monasterio sepulta. Postquam autem resciuit Imperator illam migrāsse ad Dominū, accito ad se Senatori, cui eius despōsa erat filia, ait eam degere in monasterio. Ille verò rogauit Imperatorem, vt missis ad eam literis, iuberet eam venire Constantinopolim & celebrare nuptias. Vbi autem Imperatoris literas accepit Euphrasia, legit eas ridens, moxq; sua manu hunc in modum illi rescriptis: Domine Imperator, ita ne suades ancillæ tuæ, vt repudiatio Christo, homini corruptibili & quem paulo p̄st vermes edent, coniungar: qui ho diè est, cras verò nusquam apparet?

Litteræ Eu-
phrasia ad
Imperat.

Absit hęc tanta peruersitas ab ancilla tua. Oro igitur domine Imperator, nē tibi deinceps vir ille hac de rē molestus sit. Ego enim me Christo deouui, & fieri non potest, vt illum abnegem. Precor autē Imperium tuum, vt sis memor parentū meorum, nostras que opes & facultates dispenses in pauperes & Christi Ecclesias. Seruos verò omnes manumittas, & patris mei auctoribus præcipe, vt debitū omne remittant agricolis iam-indę ab obitu patris mei vsq; in praefens, vt sine sollicitudine possim seruire Christo, cui me totā commisi. Ora pro ancilla tua, oret etiā Christo amabilis domina mea Augusta pro ancilla sua. Deinde ob signans epistolam, tradidit illā veredario. Cūm autē Imperator & Augusta cā legissent, vberunt fleuerūt: conuocansq; mox Senatum omnem & patrem eius, cui despōsa fuerat Euphrasia, iussit Imperator, vt in praesentia omnium epistola recitaretur. Quod cūm fieret, omnes lachrymati sunt, dixerūtque: Reuerā hęc est Antigoni & Euphrasie filia, qui tibi Imperator sanguine coniuncti fuēre. Reuerā religiosorum parentum religiosa filia: sanctæ radicis sanctus est ramus. simulq; omnes cius nomine Deum glorificarunt, & pro ea orauerunt: nec vñquām postea visus est importunus senator ille. Imperator autem omnia piē disponens, & res puellę benē distribuens, & ipse vita funētus est, & sepultus cum patribus suis in pace.

Euphrasia verò sē totā componebat ad voluntatē Dei, & quidē supra vires sese affligebat. Erat enim annorum duodecim, quando pro pietate sacra suscepit certamina. Et primò quidem à vespera in vesperam ieiuna permanisit: postea biduo triduoque absti- Abstinēria
nebat à cibo. Nulla præter illam mūdabat triclinium, lectulos fororibus ipsa sternebat, mirabilis S.
Euphrasie,
& humili- aquam hauriebat è puteo, & in coquinam apportabat. & hęc omnia faciebat libēti & iucundo animo. Erat illo in monasterio more receptum, vt si qua foror in somnis dia- tas.
bolica fuisse illusionē tentata, mox id Abbatissā aperiret. Illa verò cum lachrymis orabat Dominum, vt maligni infestatio ab ea arceretur: iubebatq; illi, vt sub strato suo la-
pides poneret, & cineribus adspiceret cilicium, sicq; in decimum vsque diē cubaret. Accidit verò, vt Euphrasia virgo sanctissima aliquid eiusmodi pateretur. Itaque lapides suo strato supposuit, & cineres sparsit in cilicium. Id vt vidit Abbatissā, dixit vni è fororibus: Euphrasia cœpit daemonis infestationes perpeti. Oravit igitur pro ea, dicens: Deus omnipotēs, qui eam creāsti, & ad hoc religiosum vitę institutum venire permisisti, conserua eam in timore tuo. Deinde vocauit illam ad se, & ait: Cur nō exposuisti mihi maligni dæmonis tentationem? Illa verò ad eius collapsa pedes: Ignosce mihi, ait, Domina: nam me verecundia retinuit, nē tibi eam aperirem. Dixit autem Abbatissā: Quandōqui-
dem iam pugnare cœpisti cum hoste, viriliter age, vt post victoriā coroneris. Post dies non multos iterū tentata est, & forori Iuliæ, quæ impensè illam amabat, & eam exercebat ad certamina, quid sibi accidisset, aperuit. At illa dixit: Domina mea Euphrasia, nē celes quāso isthuc dominam Abbatissā, sed explica ei, vt roget Dominum pro te. Fertur enim multis ab inēunte etate diabolicas pertulisse tentationes, & diebus quadra- Nota iei-
ginta nihil accepisse vel cibi vel potū, sed immobiliter in precibus perdurasse, sicq; dia- nium Ab-
batiſſæ.
boli fraudes & insidias superāsse. Omnes autem impugnamur à diabolo, sed speramus in Domino quid illū vincemus. His cognitis, Euphrasia illi gratias egit, dicēs: Christus te adiuvet foror, quandoquidem adesti me, & animum meum tuis sermonibus confirmasti. Ego autem proculdubio accedam dominam Abbatissā, & rem omnem illi enunciabo. Dixit illi Iulia: Ita quāso fac, vt oret pro te, & aliquid addat tuę abstinentiæ. Dixit ergo Euphrasia Abbatissæ, quid passa esset. Cui illa respōdit: Nihil filia reformides maligni illius infestationes omnes, quibus nos oppugnat: sed cōstanter agas, & animo immoto resistas illi, nec poterit aduersum te præualere. Multas illius tentationes passu-
ra es: sed certa viriliter, vt à Christo sponso tuo victoriae triumphos promerearis. Qui

enim legitimè certauerit, amplissima dona & præmia cōsequetur. Interrogavit autem illam, quod dies ieiunaret. Cumq; illa dixisset, Tres : iussit ut quartum etiam diem huic abstinentiæ adiungeret. Quam illa iussionem cum ingenti lætitia excipiens, discessit.

Postquam autem ad vicelimum ètatis annum peruenit, iam sancti spiritus eam confirmante gratia, præualebat. Erat sanè valde speciosa, vt potè regio procreara stemmate. Cùm verò rursùs illi tentatio accidisset, & ad Abbatissam retulisset, illa dixit: Noli timere filia, Dominus tecum est. Erat autem in quodam monasterij loco acerius saxorum. Itaque Abbatissa eam probare volens, & ad obedientiæ lucra maiora prouochere, dixit ei: Tolle hinc faxa, & apud furnum depone. Fecit hoc illa hilariter, arreptaque in humeros, sola quò iussa erat, ea deportauit, cùm in eis quædam essent tanti ponderis, ut ijs ferēdis duas sorores vix sufficerent. nec interim dixit: Adiuuet me aliqua è sororibus, nec saxonum molem causabatur, nec sua proferebat lōga ieiunia, nec operis difficultatem: sed cum pia fidutia obedientiæ officia impleuit. Altera verò die rursùs illi ait Abbatissa: Non par est, filia, hīc iacere faxa: reporta ea in locum pristinum. Mox Euphrasia cum multa alacritate fecit, ut iussa erat. Hac ratione ad dies triginta eam occupauit, ut eius patientiam probaret. At illa incundo animo & psallens in illo opere versabatur, ita ut sorores omnes eius obedientiam mirarentur. Non tamen deerant, quæ cam irrident: porrò alia acclamabāt: Viriliter age Euphrasia. Et illa quidem rursùs, diuinis operis celebratione peracta, ad opus illud se accingebat, sed ait illi Abbatissa: Cessa iam filia ab hoc ministerio: porrò accipe farinam, & coque panes in cibano, ut ad vesperam parati sint. Illa studiosè iussa compleuit.

At rursùs malignus dæmon eam nonnihil vacante reperiens, huiusmodi ei somnum immisit, ut sibi videre videretur Senator eum, cui despōnsa fuerat, cum militibus in monasterium intrantem, eamque indē vi auferentem. Quæ humi cubans, cùm eam vim & molestiam ferre non posset, exclamauit. Abbatissa verò & quedam sorores ex parte factæ, cius clamores audiunt, accurruntque ad eam, sciscitanturq; cùm eam excitatent, quenam tanti eset causa angoris. At illa confessum somnum enarravit. Tum Abbatissa, sororibus omnibus excitatis, vñà cum illis pro Euphrasia in preces incubuit, donèc dilucefceret. Deinde Euphrasia tenens manu codicem, carceris sedentibus, stans legebat vñque ad horam tertiam. Tertiæ verò precibus absolutis, ad sororum ministeria accessit, eis præparans necessaria, verrens triclinium, lectulos sternens, aquam hauriens & deferens in culinam, legumina coquens, ligna secans, farinam fermentans, & panes in furno efficiens. Tot autem modis occupata, neque nocturnis neque diurnis aberat precibus, non tertia, non sexta, non nona, non vesperarum: ac nihilominus sola omne ministerium, quod diximus, exequebatur. Accedebat autem ad laborem absolutis vespertinis precibus: nonnihil tamen à Iulia sorore adiuabatur, quæ, ut antè dictum est, plurimum illam diligebat.

Aderat autem rursus satan, & dormienti infestissimū se exhibens, maximum ei certamen attulit. Illa quamprimum Abbatissæ suas angustias detexit. Quæ cùm pro illa rogasset, ait ei: Filia mea, certaminis hoc tēpus est. Cau, nè ille ini quis eneruet animum tuum, & perdas omnes labores tuos. Si ad breue tempus illius impētu sustinueris, vbi se senserit viētum, cum ignominia iterum à te aufugiet. Dixit autem ei etiam soror Iulia: Domina & soror mea, si in hac ætate cum illo non cōfligimus, eumq; profligamus, quas ad bellandum vires in senectute habituræ sumus: Cui respondit Euphrasia: Vuit Dominus, soror mea Iulia, si iusserit domina Abbatissa, tota hebdomada ne panē quidem sumam, donèc eum, Domino adiuvante, superem. Ad quæ Iulia: Evidem, ait, totius hebdomadæ inediā ferre non possum: tu si potes, & in terris & in celis beatā eris. In hoc verò monasterio nulla haētenus totā septimanam absq; cibo transfigere potuit, dempta domina Abbatissa. Deinde iterum ad Abbatissam veniēs Euphrasia, cōfessa est nocturnam dēmonis temptationem. rogauitque eam, ut liceret ipsi tota hebdomada ab omni cibo abstinere. Cui Abbatissa: Fac, inquit, filia quicquid te posse videris, & Deus omnipotēs, qui te creauit, robur addat tibi, & conferat tibi ex illo cruento hoste victoriā. Itaque tota cōcepit septimanā se inedia confidere, nec tamen quicquā de psallendi officio remittere, nec sororū ministeria omittere: adeò ut omnes eius tolerantiam mirarentur, simulq; & formæ elegantiam, & ætatis iuuentutem. Quædam etiam hoc de illa testabātur, quòd toto anno obseruāsset illam, & neque noctū, neque interdiū vñquam illam sedentem conspexissent, præterquam cùm se ad quiescendum in lectulo suo humili collocāsset; immò ne comedendo quidem vñquam illam se disce.

Erat

Abbatissa
Euphrasiā
exercet.

Proces Ter-
tia, Sexta,
Nona, ve-
sperarum.

Euphrasia
hebdomadā
inedia
se macerat.

Erat autem in illo monasterio soror quædam, Germana nomine, quam ignobili genero, nempe matre ancilla, ortam dicebant. Eius animum vastabat liuor & iniumentia aduersus Euphrasiam, insurgensque clam cōtra illam in culina, ait: Tu quidem Euphrasia ex præscripto dominae Abbatissæ semel tantum cibum capis in septimana, quod nos non possumus assequi. Si igitur illa nos quoquè ad id adigere voluerit, quid faciemus? Respondit Euphrasia: Domina soror, domina Abbatissa iussit, ut vnaquæque certamen suscipiat pro viribus, nec illa mihi temerè aut absque necessitate hoc iugum impoſuit. Ait illi Germana: O te impoſtricem, omni vafricie & calliditate instructam: quis non videat hoc animo & consilio te iſtūc facere, vt decadenti Abbatissæ tu succedas? Ego verò credo in Christum, quod nunquam te Deus Abbatissæ honore dignabitur. Hæc cūm audiuit Euphrasia, cuius se pēdibus prosternens, ait: Ignosce mihi domina mea, & ora p̄ me, peccavi enim in Dēū & in re. Vbi autem res hæc ad Abbatissæ notitiam peruenit, coram omnibus iussit ad eſſe Germanam, dixitq; ei: Ancilla nequam & aliena à Deo, quid tibi nocuit Euphrasia, vt eius bona studia velis interturbare? Itaque aliena sit à sororu cōgregatione, quia indigna es ministerio & earū coniunctu. Euphrasia vero multū deprecabatur Abbatissam, vt ei veniam daret, sed flectere eam non potuit, donēc exāti essent dies tringita. Tricesimo autem die videns Euphrasia se nihil rogan- do proficere, asſumens Iuliam & seniores eius loci forores, orabat, vt pro Germana apud Abbatissam intercederent. Quod cūm illæ fecissent, Abbatissa rursus corā omnibus eam accersiuit, aitque illi: Non ne debuisti perpendere cum animo tuo, quod Euphrasia, cuius optimos conatus impedire voluisti, cūm esset Imperatoribus sanguine iuncta, tamen humiliauit ſe, & Christi amore tibi inferiuit? Tandem omnibus pro ea supplices preces Abbatissæ offerentibus, eam in gratiam recepit.

Porrò diabolus odio inflammatu in Euphrasiam, quadam nocte phantasmatu & errore ſeculare in illam immisit. At illa repente exiliens, ſeſeq; conſignans, egrefia eft foras, ſtansque ſub dio, expandit manus suas in coelum, rogauitq; Deum, vt ab ipſa malignum dāmonem amoueret. Interim Abbatissæ nunciatur Euphrasiam agere ſub dio. Illa quamprimum eō properauit, dixitq; ei: Confirmet te Deus, & det tibi tolerantiam in timore ſuo. Omnes quoquè forores orabant Deum pro illa, & condolebant iuuentuti eius. Erat enim annorum plus minus vigintiquinque. Cūm autē in decimum viſque diem ſic ſtetiffet, orauit Abbatissa cum fororibus, eius patientiam volens explorare. Ut autem dies tringita completi ſunt, mirari cœpit Abbatissa: dixeruntq; ei forores: Reuerā Domina mater, dies quadraginta in hac ſtatione permanere decreuit, quemadmodū tu aliquandō feciſti. At illa respondit: Dominus illam ſuo in timore corroborat. Post dies autem quadraginta, etiam alijs quinque ita ſterit: sed tandem nimium debilitati, cecidit in terram, & iſtar mortua iacebat. Itaque forores currentes, eam intulerunt in triclinium, ſed neque manus, neque pedes eius flectere potuerunt: adeò iſtar ligni aridi tabefacta viſebatur, nec eius vox vīla audiebatur. Abbatissa vero cibum illi offerens, ait: Filia mea Euphrasia, ſume hanc eſcam in nomine Domini mei Iesu Christi. Quod cūm illa feciſſet, vires recepit.

Cernēs itaque diabolus tantam eius laborum tolerantiam, nequaquam ad id genus tentationes redire voluit, ſed id magis ſtudebat, vt eam poſſit citō auferre ē medio. Nam cūm die quodam abiijſſet ad hauriendā aquam, arripuit eam iniquus ille vñā cum hydria, detruſitque in puteum, ita vt capite, quemadmodū illa poſtmodū retulit, ad fundum viſque pertingeret. In ipso autem puteo clamauit: Christe, adiuua me. Qua voce audita, forores accurrerunt, & cum Abbatissa pariter eam ē puteo extraxerunt. Cumque inde exiijſſet, conſignauit ſe, & ſubridens, dixit: Viuit Christus meus: non me vinces ſatan, neque cedam tibi. Et haec tenus quidem vna hydria, deinceps duabus feram aquam in culinam. quod etiam ita fecit. Vident autem hostis humani generis, quod in puteo eam extingue fruſtrā tentaſſet, alia vice, cūm ligna finderet, colligauit manus eius, & viſque ad calcaneum attraxit, dirumque ei vulnus inflixit. Quod vt illa videtur, & multum inde fanguinem profluente, abiijſiens ſecurim, in terram corruit. Iulia autem terrore correpta, nunciauit fororibus, Euphrasiam iētu ſecuris exanimatam iacere.

Cumque illæ concurrerent & clamores ederent, Abbatissa aquam benedictā in eius faciem ſparſit, complectensque eam dixit: Filia mea Euphrasia, quid ita anxia es? Collige te, & loquere fororibus. At illa intuens in Abbatissam, ait: Noli flere Domina mea mater. anima enim mea mecum eſt. Tum Abbatissa crucis ſignum imprimens

Germana
inuidentia
aduersus
Euphrasiā.

Abbatissa
Germanam
castigat.

Euphrasia
ſelongifli-
mo ieiunio
penē confi-
cit.

Diabolus eā
detrudit in
puteum.

Dirē eam
fauciat.

fronti eius, oravit, dicens: Domine Iesu Christe, sana ancillam tuam, nam propter te multa patitur. cumque eius pede panno cilicino obligasset, eleuauit eam: & apprehensa manu eius, duxit in monasterium. Illa autem ut vidit ligna iacentia: Viuit Dominus, inquit, nisi ligna collegero, & meas ijs vlnas compleuero, non ascendum. Cui Iulia dixit: Noli Domina soror, nam imbecillior es quam ut possis. At illa non acquiesces, manus suas lignis compleuit, & sic ascendit. Aderat autem illic quoque diabolus: & cum iam summum attigisset Euphrasia gradum, imprudens calcauit oram vestimenti sui, & in ipsa ligna corruit: infixumq; est lignum vnum in frontem eius, ita ut sorores putaret, eius oculum planè confectum & confoustum: exclamansque Iulia, An non dixi tibi, inquit, Domina soror, quod labor hic vires excederet tuas? Ad quam Euphrasia: Noli, ait, dolere soror mea: tatum modestè extrahe lignum. nam oculus meus sanus est. Id cum factum esset, multis inde fluxit sanguis. Abbatissa vero adhibitò sale & oleo, pro ea oravit, dixitque illi soror Iulia: Abi, & paulisper quiesce in lectulo tuo. Ego tuo interim fungar ministerio. Illa respondit: Viuit Dominus: nō dabo me quieti, donec omne exceptum officium meum. Rogabat etiam alias sorores, ut propter vulnera quiete captaret, sed illa non cedens, vtraq; ex parte saucia, late animo suum erga sorores ministerium exercebat, & neque ab illo Dei opere, neque à monasterij seruilio se se subdecebat.

Præcipita-
tur à demo-
ne, sed illa-
pmanet.

Alio quoque tempore cum Iulia ascenderit in tertium solarium. Ibi tum eam corripitur: ens improbus dæmon, deorsum præcipitauit. Exclamante autem Iulia, sorores aduolaverunt, existimantes se illam exanimem reperturas. At illa surgens, occurrit eis, duxeruntq; illā intrò ad Abbatissam. Cui sciscitanti, num aliqua parte corporis lœsa esset, respondit: Viuit Dominus, Domina mater, nec quemadmodum ceciderim noui, nec ut surrexerim. Ut autem cognovit Abbatissa ab editissimo loco eam decidisse, nec tamen vel parvum lœsam esse, glorificauit Deum, dixitque ei: Perge filia ad opus tuum, & Dominus erit tecum. Iterum autem malignus hostis eam extingue volens, cum ea feruentem ollam teneret, in qua coquebat olus, ut iam coctum olus in vas effundenderet: obligatis eius pedibus, eam supinam præcipitauit, atq; in eius faciem ebulliens olus effudit. Quod cum cernerent sorores, valde animis consternatae sunt. Illa vero exiliens & ridens, dixit eis: Cur sic animo turbata estis? At Abbatissa videns nihil ei incommodi accidisse, inspexit in ollam. cumque id quod remanserat, ebullire cerneret, multum admirans, ait ad eam: Deus te seruet filia, & tibi perpetuam suo in timore præstet tolerantiam. Euphrasia vero afferebat se non aliter sensisse, atque si frigida aqua perfusa fuisset. Ingressa porrò oratorium Abbatissa, conuocauit primarias sorores, atque illis: Sanè aduentifis Euphrasie diuinitus magnam collatam gratiam, quippe quæ nec præcipitio tam immuni, neque ex feruenti olere aliquid passa est detrimenti. Responderunt illæ: Reuerà Dei famula est Euphrasia, & Dominus curam eius gerit, qui eam in huiusmodi tentationibus seruauit illæsam.

Infantes
morbidi
curantur in
monasterio

More autem comparatum erat apud incolas eius ciuitatis & regionis, ut si quos haberent infantes morbis affectos, eos ad illud monasterium adducerent curandos. Clarebant enim illæ sorores miraculis, & Abbatissa illos infantes ad se recipiens, in oratorium ferebat, fundebantq; pro eis preces ad Dominum, & mox sanabantur. Eos autem matres illorum sanos reducentes domum, glorificabat Deum. Porro in ipso monasterio quedam erat mulier, à primis aetatis initijs à dæmone nequissimo & primario obsessa. Eam nanq; parentes eius commendauerunt Abbatissæ, & erat vincita catenis, spumatibusq; & stridebat detibus, tetrosq; edebat clamores, ita ut ijs auditis, omnes timore nimio corriperetur. Et frequenter quidem Abbatissa cum sororibus pro ea Domino preces obtulerat, sed curata nō fuit: nec villa ausa erat eam accedere, ut vel cibū ei offerret. Alligabat autem escam & potū virgē, atq; ita procūl porrigebant: interdum quidem ijs vescebatur, plerunq; vero in offerentiū facies reiectebat. Contigit autem, ut ostiaria nunciaret Abbatissæ, adesse præforibus monasterij foeminam, gestantē parvulum quēdam surdum, mutum & paralyticum. Dixit itaque Abbatissa Euphrasia: Ito filia, & affer huc infantem. Quod cum illa faceret, videretq; puerum trementē & valde miserē affectū, miserta illius, consignauit eum, & dixit: Qui te creauit fili, ipse te sanet: sicque eum adducebat ad Abbatissam. Interim salus redditur puer, & coepit loqui & pedibus suis velle ingredi. Id ut vidit Euphrasia, terrefacta deposituit eum in terram. At ille cucurrit ad matrem suam. Vedit id ianitrix, & currens indicauit Abbatissæ. Illa iubet acciri matrē pueri, atque illi: Cur nos soror tentare voluisti? Quæ dixit: Per Christum, Domina mea, neque ambulauit, neque vel loqui vel audire potuit puer usque in præsens: sed cum accepisset

Euphrasia
sanat puerū
paralyti-
cum &c.

pisset eum hæc dōmina soror, mox locutus est. Dicit ei Abbatissā: Accipe igitur eum sānum, & vade in pace. Illa abijt cum puerō, dans gloriām præpotenti Deo.

Deindē Abbatissā conuocans sorores primarias, ait ad illas: Ecquid vobis videtur de Euphrasia? Illæ responderunt: Profectō Dei famula est. Iussit igitur illam adesse Abbatissā, & dixit ei: Filia mea Euphrasia, volo vt huic dæmoniacæ, quæ apud nos est, cibum præbeas, si tamen non times illam. Cui Euphrasia: Non timeo, inquit, Domina mea, quicquid etiam iussersis. Tulit igitur Euphrasia in vāculo quodam legumina & panem, & attulit dæmoniacæ. At illa stridens dentibus & valdè fremens, impetu factō irruit in eam, apprehendensque vāculum, confingere illud voluit. Euphrasia verò eius tenens manus, dixit: Viuit Dominus, si tuid feceris, ego te humili prosternam, & tam dirè flagellabo, vt dein cēps nunquam ausura sis aliquid tale attentare. Videns illa Euphrasiam superiorem, quieuit. Tum verò Euphrasia cœpit illi blandiri & dicere: Sede mea soror, & sume cibum, nec quicquam turberis. Non recusauit illa, sicquæ quotidiè ex eius manibus cibum potumque recepit. Cūm autem id vidissent sorores, orabant Dominū pro illa: si verò illa indignari & commoueri cœpisset, dicebant ei sorores: Cessa soror, & noli malignè te gerere. Alioquin si id senserit Domina Euphrasia, acriter te virgis cædet. Quibus auditis, illa modestè se grecerat.

Cibum of-
fert dæmo-
niacæ valdè
feroci.

Rursus autem Germanam inuidia momordit, aitque ad sorores: Ita' ne præter Euphrasiā nulla alia inueniri potuit, quæ huic mulieri escam porrigit? Date mihi cibos, & ego illi offeram. Sumptum igitur cibū attulit ad eam, & dixit: Accipe soror & comedē. At illa in eam repente insiliens, vestes eius discerpsit. cumquæ eam humi prostrauis- Germanam
set, cœpīt eius carnes manducare. Clamore igitur excitato, cūm nulla eam ausa esset ac-
cedere, Iulia ad Euphrasiam properè cucurrit, inuentæque in culina dixit: Festina Do-
minā soror, nam dæmoniaca Germanam propemodū enecauit. Currens ergò Eu-
phrasia, apprehendit illius guttur & manus, Germanamq; miserè laceratam & cru-
entam eripuit, dixitque: Ab hac hora si in sorores malignam te probueris, non tibi par-
cam neque miserebor, sed Domina Abbatissæ virga cædam te atrocissimè. Illa verò se-
dens, ilicò cessauit. Manè factō, expleto sacro ministerio, sororibusque ab oratorio egredientibus, Euphrasia abijt ad dæmoniacam. At illa suam laceratā vestem, illi-
que in terram proiectæ insidens, colligebat stercus & edebat. Id cernens Euphrasia, fle-
uit, Abbatissæque nunciauit. Illa verò iussit ei aliam dari vestem, & ea indui. Accepit er-
go Euphrasia tunicam & vāculum cum legumine & pane, dixitque illi: Cur te sic tur-
piter dehonestasti soror? Accipe hanc vestem, & inde te, ac deindē comedē cibos hos.
Sumpsit illa, & comedit ac bibit, eamq; Euphrasia induit, non cessans pro ea gemi-
tus, lachrymas & preces fundere usque ad vesperan, vt Dominus eam sanitati restitu-
re dignaretur.

Germanam
dirè lacerat
dæmoniaca.

Manè autem Abbatissā ad se vocauit Euphrasiam, ciisque dixit: Cur me celāsti filia, quod pro hac vexata preces Deo offerre voluisti? Si mihi id communicās, ego tecum pariter laborāsem. Cui Euphrasia respondit: Ignosce mihi Domina. Vidi enim illam turpiter se nudâsse, maleque affectam, & dolui vicem eius. Ait rursus Abbatissā: Ha-
beo quippiam, quod te nōnse velim: sed caue nō fallente dæmonem, animo efferraris: Ec-
cè Christus tibi potestatem contulit hunc dæmonem ejiciendi. Audiens hoc Euphra-
sia, caput cinere conspergit, humilique se abijciens, clamabat: Quæ sum ego misera & im-
mundā, vt hunc profligem dæmonem, quem vos tam diuturni temporis precibus ab
ea depellere non potuistis? Dixit ei Abbatissā: Te filia sustinebat hoc opus. Nam in cæ-
lis amplissima tibi merces reposita est. Itaque Euphrasia ingressa in monasterium, co-
ram altari se prostrauit, petens diuinitū sibi prestari opem & auxilium. Deindē è pau-
mento surgens, iussu Abbatissæ adjit dæmoniacam: sequebanturque eam sorores
omnes, vt rei exitum contemplarentur. Dixit igitur dæmoniacæ Euphrasia: Sanet te
Dominus Iesus Christus, qui creauit te: moxque signum crucis in eius frontem impref-
fit. Exclamauit autem dæmon: O impostricem & fallacem. Tot annos in hac habitâs,
nunquam potui ab ea excludi, & hæc impura & luxuriosa me vult ejicere? Cui Euphra-
sia dixit: Non ego te expello, sed Christus omnium Dominus. Respondit dæmon: Ego
hinc non emigro immunda: neque enim tibi me expellendi facultas data est. Respon-
dit Euphrasia: Ego planè immunda sum, & omni malignitate plena, vt tu quoquè asse-
ueras: attu nihilominus Christo iubente discede. Nam si accepero virginem Abbatissæ,
egregiè te flagellabo. Cūm verò ille obluctaretur, nec veller egredi, corripuit Euphra-
sia Abbatissæ virginem, dixitque ei: Aut exi hinc, aut certè ego te cruciabo. Ait dæmon:

Vide sanctę
virginis mo-
destiam.

Qua ratione ab illa possum discedere? Mox Euphrasia cœpit cädere, & cùm tertio percuteret, dixit: Misum fac hoc Dei plasma immunde spiritus. Increpet te Dominus Iesu Christus. Respondit dæmon: Si exiéro, quò iturus sum? Illa dixit: In tenebras exteriōres, in ignem aeternum, in supplicia nullū finem habitura, quæ sunt parata tibi & patri tuo diabolo, & cunctis eius voluntatem facientibus. Interim sorores omnes intendebant in eam, nec audebant proprius accedere: eratque acre illud Euphrasie cum refractario & perniciace dæmone certamen. Suspiciens igitur in cælum, dixit: Domine Iesu Christe, noli me pudore afficere in hac hora, nec me finas superari ab hoc impuro dæmone. Tum verò spumans & stridens dæmon, cum ingenti clamore abscessit: & mulieri integra est sanitas restituta. Duxerunt autem eam in oratorium, dantes gloriam Deo pro tanto miraculo. Prius autem illam Euphrasia aqua abluerat, & vestibus induerat, atque sic adduxerat ad Abbatissam. Non solum autem nihil hinc clata est Euphrasia, sed magis etiam se humiliauit, noctes sine somno transigēs, & integris septimanis, uti confuerat, ieiuna permanens, ac nihilo secūs sine defectu & cum omni humilitate, manutudine & animi iucunditate sororibus cunctis officiosè inferuiens.

Dæmonem
ab obfessa
expellit.

Visio Ab-
batissæ.

Visione ex-
ponit Ab-
batissa.

Accidit interea Abbatissæ somnium vel visio in somnis, vnde non mediocriter fuit perturbata, nec tamen cuiquam explicare voluit quid vidisset. Cumq; diu apud se rem tacitam haberet, tandem sorores primariae eam obnoxie rogārunt, vt visionem ediceret, causamque suorum gemitum, quibus ipse pariter affligeretur, non reticeret. Tum verò illa dixit: Euphrasia nos deserit, cras hinc migratura ad Dominum. Sed nemo id illi indicet, nè in cœro afficiatur. Cooperunt autem multis horis miserè ciulare sorores. Vna autem è sororibus vt id audiuit, accurrit ad furnum, inuenitque Euphrasiam, adiuuante illam pro cōsuetudine sorore Iulia, panes coquente, aitque illi: Noueris Domina Euphrasia intus apud Abbatissam sorores tua causa in magno luctu versari. Quo audito, Iulia & Euphrasia pariter obstupuere: cumque diu steriles attonita, tandem ait Iulia: Fortassis perlatum est ad Dominā Abbatissam, sponsum illum tuum mittere hoc homines, qui ex mandato Imperatoris te extrahant è monasterio: & hac causa lamentis se afficit cum sororibus. Respondit Euphrasia: Viuit Dominus meus Iesu Christus, etiamsi omnia mundi regna & ipsius quoquè terre fundamenta commoucantur, non mihi tamen persuadere poterunt, vt ipsum Dominum meum derelinquam. Sed quæso te Domina soror, ito percontatum, dum interim coquuntur panes, quæ sit harum causa lachrymarum, nè agnoscit animo meo. Abiit Iulia, auscultansque foris, audiuit Abbatissam somnium referentem hoc modo: Videbam quasi duos egregia forma viros hoc aduentantes, mihiique dicentes: Dimitte Euphrasiam, vt eat nobiscum. Rex enim illa opus habet. Iterum vidi etiam alios venientes atque dicentes: Assume Euphrasiam, & adduc eam tecum ad Dominum. Ego itaque tuli eam, vnaque prope rauimus cum viris illis: cumque venissemus ad portam quandam, cuius splendorem enarrare non sufficio, ea nobis vltro aperta est. Porro intro ingressa, vidimus palatum incredibilis elegantiae, thalamumque sublimem & solium nuptiale non manufactum. Et ego quidem non potui ad interiora penetrare, sed illam secum abducentes, Dominino offerebant. Illa verò statim cum adorauit, osculataque est pedes eius immaculatos. Vidi illic angelorum myriades, & turbas sanctorum innumerabilis, in Euphrasiam suos obtutus defigentes. Eccè autem mater Domini adueniens, tulit eam secum, ostenditq; ei palatum & thalamum & nuptrale decus, coronamque illi preparatā. Audiu autem vocem dicentem: Euphrasia, hæc est merces tua. Et nunc quidē redibis ad tua, sed post dies decem reuocaberis huc, & fruéris his bonis per infinita secula. Cùm sit autem non dies, posteaquam hac visio mihi oblata est, cras morietur.

Hæc cùm audisset clam Iulia, peccatus faciemque suam verberans & flens amarissime, redijt ad Euphrasiam. Quod illa cernens, dixit ei: Coniuro te per filium Dei soror Iulia, vt indices mihi, quid audiēris, & quamobrem ita plangas. Illa respondit: Hodie nanque ab inuicem separabimur. Ut enim audiui, cras excedes è vita. Hoc illa audiens, angore correpta, cecidit in terram, rogabatque Dominum, dicens: Cur Domine ab omnibus me peregrinam & orphanam? cur me despicias pie Iesu? Eccè nunc tempus adest, quo cōfigere me oportebat cum improbo dæmone, & anima mea à me repetitur. Misericordia mei Domine Iesu Christe, & patere me adhuc annum unum permanere in hac vita, vt plangam peccata mea. Sum enim Domine expers penitentia & omni pierate destituta. Nemo in inferno cōsitebitur tibi, nō est in sepulcro poenitētia, non possum post mortem quicquam la chrymis proficere: sed viuens confitebitur tibi & laudabit nomen sanctum tuum.

Humilitas
admiranda
tantæ virgi-
nis.
Esa.38.

tuum. Hæc illam dicentem quædam sororibus audiuit, & reculit Abbatissæ: quæ iussit illam ad se adduci, dixitque ei acerbè ploranti: Quid habes filia? quid ita ingemiscis? Illa respondit: Ploro Domina mea, quia sculisti mihi supremū impendere diem, nec mihi indicasti, ut lugerem peccata mea. Hæc dicens, procidit in pavimentum, tenensque pedes Abbatissæ, ait: Miserere mei Domina, & ora pro me, ut Dominus vel viuis anni mihi spatia impertiatur, nè me sine poenitentia decedentem tenebræ comprehendant. Respondit Abbatissæ: Viuit Dominus, filia, quia beatorum concilio dignam te fecit rex tuus Christus: narravitque ei somnum, rogabatque eam, ut pro ipsa rogaret Dominum, quòd eius particeps esse mereretur.

Paulò post acris febris Euphrasiæ inuasit, sororumque ministerio in * valetudinam perducta est, ubiique in vesperam cum illa permanere. Vesperi autem, cum hora cibi sumendi adesset, iussit omnes discedere Abbatissæ, solam Iuliam secum retinens, nè Euphrasia sola relinqueretur: clausisque ostijs, vsque in lucem alterius diei erant apud illam: dixitque ei Iulia: Domina soror, nè sis quæso mei immemor. Tu scis, quæm semi-per tibi in diuidua adhæserim in terris: ora Dominum, nè me sinat vñquām separari a te, sed ut iubeat me tecum hinc egredi cum bona fidutia. Die illucescente, Abbatissæ omnes adesse iussit, Euphrasia extreum iam trahente spiritum. Accurruunt omnes, valident Euphrasiæ, cum lachrymis dicentes: Memento nostri Domina soror. Postea venit etiam illa, à qua démonem expulerat, & osculans manus eius, dicebat: Per Deum & hæc manus à me dæmon exclusus est. Cum autem ei multum lugenti & beneficia ipsi ab ea praefixa commemoranti Euphrasia respondere non posset, dixit Abbatissæ: Filia mea, nō te miseret huius? Cur nihil ei loqueris tam valde propter te afflita? Tum illa respiciens in eam, dixit: Quarè me sic luges soror mea? Sine me iam quiete: nam planè deficio viribus. Time Deum tuum, & ille te seruabit ab omni malo. Deinde Abbatissam intuens, Ora pro me, inquit, nam in magno certamine versatur nunc anima mea. Orante igitur Abbatissæ, & sororibus dicentibus, Amen, virgo sanctissima reddi- Feliciter dit spiritum, anno ætatis sua tricelimo, conditaque est in sepulcro matris sue: & sorores migrat ad glorificabant Deum, quod promeruerint sororem habere apud illum. Porrò Iulia magistra eius, triduo flens, ab eius monitione non recessit. Illa enim docuerat eam literas & psalterium, & præcipio eam complectebatur amore. Quarto autem die exhilarata Iulia, dixit Abbatissæ: Ora pro me domiha, quia vocat me Christus, pro me peccatrice beata Euphrasia intercedente. Et hæc dicens, osculata est sorores omnes, & die sequitur. quinto obiit, atque apud Euphrasiæ humata est.

Post dies triginta Abbatissæ maiores natu sorores ad se euocans, ait: Eligite vobis matrem, quæ meo loco præsit vobis. Responderunt illæ: Cur id ita iubes dominam mater? Dixit eis Abbatissæ: Vocat me Christus, flexus precibus domini Euphrasiæ: quia rogante, etiam Iulia eius confors esse meruit & ingredi in illud tabernaculum non manu-factum. Itaque & ego festino, ut possim digna haberi illarum in celis consortio. Quod cùm audiuerint sorores, elegerunt Theogeniam, ut ipsis præcesset. Eam verò ad se Abbatissæ accersiens, ait illi: En testimonium tibi perhibent sorores omnes, voluntque te præfectam esse traditionum monasterij huius, in meumque locum succedere. Itaque adiuro te per intemeratam & consubstantiale Trinitatem, nè acquiras huic monasterio pecunias aut possessiones, neque curis huus mundi occuperes sororum animos, ut peritura respuentes, bonis mereantur cælestibus augeri. rursumque sororibus ait: Quandoquidem probè cognitam habetis dominam Euphrasiæ vitam & conuersationem, ad eius vos imitationem componite, ut eius possitis effici consortes. Hæc cùm dixisset, omnesque respondissent, Amen: cunctis valedicens, ingressa est oratorium, clausisque ostijs præcepit, nè qua illarum ante alterius diei ortum introiret. Itaque manè intrantes, inuenerunt eam obdormisse in Domino: hymnumque Deo dicentes, posuerunt Abbatissæ eam in Euphrasiæ sepulcro. Deinceps verò nullam aliam illuc condiderunt. Multa verò quoque ab ad illud monumentum facta sunt hodieque fiunt miracula, multaque curationes. Clamabant verò expulsi dæmones: Etiam post obitum aduersum nos præuale Euphrasia. Festinemus igitur etiam nos huiusmodi vitam obtinere, sectari benignitatem, humili-tatem, obedientiam, laborem, mansuetudinem, longanimitatem, ut ad beatissi-mam supernorum spirituum sodalitatem & immensa illa gaudia pertinere mereamur: per magnum Regem & Dominum nostrum Iesum Christum, cui est gloria in secula seculorum. Amen.